

中華民國郵政特准掛號認爲新聞紙類

中華民國十年十二月六日至十日第六十八期

湖南政報

(印代局刷印豐復街正府沙長)

價目

- (一) 本報每月每份光洋八角
- (二) 外埠每月每份另加郵費二角
- (三) 每冊零售一角四分

湖南省長公署發行

目錄

總務

省長委令成侁署理郴縣知事由

省長委令劉虔調署常甯縣知事由

省長牌示人民具呈須遵規定程式由

內務

省長指令城步縣知事蕭文鐸呈報前次桂潰兵入城向地方索款及退後籌辦善後事宜並派款各情

請察核委查由

省長訓令新任城步知事案據前任知事蕭文鐸呈為該縣前次潰兵勒索等情仰該知事遵照辦理由

教育

省長指令湘鄉縣知事鄧德瑞呈覆查辦彭一琦私賣學校與天主教堂一案由

省長指令保靖縣知事胡履新呈請查照原案增加油鹽捐為學款由

省長訓令財政廳長鍾才宏據保靖縣知事胡履新轉呈該縣勸學所請加抽油鹽捐以維學務而符原

案等情仰該廳查照備案由

省長指令第一區省視學姚孟宗呈賈益陽縣學務視察報告表等情察核飭遵由

省長訓令益陽縣知事雷豫據省視學姚孟宗呈賈益陽視察報告表等情仰該知事傳諭嘉獎各員由

省長指令臨武縣知事傅壹呈請令委鄭時彥為縣視學由

省長委令鄭時彥為臨武縣視學由

省長指令私立妙高峯中學校校長方克剛呈費第七班學生表懇畢業由

省長訓令^{財政}省教育經費保管委員會據達材法政學校校長呈費領款憑單等情仰該會^廳即便^填給發款通知^書

由

省長指令前任省立第二師範學校校長張炯呈請發給欠費以資結束由

省長訓令湘岸權運局據教育經費保管委員會函開請將教育經費實行由商人併本經收報解等情

仰該局轉飭各分局遵辦由

省長公署致省教育經費保管委員會函

省長指令第二師範校長陳國鈞呈請辭職并繳校印由

省長指令教育科長曾毅呈復查辦第二師範風潮經過情形由

省長訓令省立第二師範學校校長陳國鈞據教育科長曾毅呈覆查辦第二師範風潮情形仰該校長

遵照辦理由

實業

省長訓令瀏陽知事案准^{廣東}省公署咨稱農林種子已令各機關選寄等因仰轉飭該會知照由

省長指令湘潭縣知事呈費荒山調查表由

省長訓令財政廳據湘潭縣知事孔慶誠呈稱該縣荒山調查費請如數發給等情仰該廳查照核發由

省長訓令嶽麓森林局案准安徽省署咨稱農林種子已轉飭所屬選寄等因仰該局知照由

省長指令瀏陽縣知事呈費荒山調查表由

省長咨覆福建省長文

省長訓令衡嶽森林局案准福建省署咨開甲種農校請選送農林種子等因仰該局選擇逕寄由

省長致宋師長電

財政

省長訓令廣林潭米禁稽查處專員案准省議會咨送禁止穀米出口辦法業經實行仰該員查照由

省長訓令寧鄉雜稅局據該局費送十年八月報告書尙多缺漏仰該局按月分項補編費署由

省長訓令財政廳廳長常德岳陽等十縣知事案准省議會咨開議決禁止穀米出口辦法請煩查照施行等

因仰該會監督知事即便查照由附錄禁止穀米出口辦法十一條

省長咨總司令部文

省長致華洋籌賑會公函

省長咨省議會文

省長指令湘岸權運局局長呈爲遵諭轉飭衡陽等局減收軍費四角由

司法

省長訓令各縣知事案查刑事訴訟除罪證確鑿應予逮案外其餘不得濫捕仰卽遵辦並錄令佈告由
省長訓令財政廳案據高等審判廳轉第一高等分廳呈稱經費困難請飭財政廳轉飭各金庫按期支
付等情仰該廳遵照辦理由

省長批前龍山管獄員姚啓基呈爲累不勝累懇飭提前發給由

省長指令道縣知事文漢德呈報勘驗劉正信家被匪劫捉情形請核備案由

高等審判廳指令祁陽縣司法收費書記官向世美呈覆卸職書記官楊秉衡交代情形由

高等審判廳訓令祁陽縣知事成朝棟據該縣司法書記官向世美呈稱前書記官楊秉衡虧欠公款等
情仰該知事會同查明依式列表由

高等檢察廳指令安鄉縣知事據報彭有慶等兩命案相驗情形由

高等檢察廳指令常德地方檢察廳長呈復委員調查桃源司法收費書記官周盛芬被訴一案情形由
高等檢察廳指令第一監獄工程事務所長歐陽章元呈爲省庫領取經費困難請轉呈援案由造幣廠

按日撥發所中員役火食費用以資救濟由

高等檢察廳指令長沙地檢廳長轉賣看守所長劉善繼接管人犯器具文卷等項清冊請察核由
高等檢察廳訓令各縣知事案查五成狀價限本年十二月十五日以前掃數匯解仰該知事遵照由

總務

湖南省長公署委任令

令署理郴縣知事成侗

為令委事案照郴縣知事戴澧撤任遺缺查有成侗堪以署理除分行外為此令仰該知事即便遵照剋日馳赴郴縣接印視事仍將到任日期暨接收交代情形連同履歷具報備查此令

趙恆惕

中華民國十年十二月六日

湖南省長公署委任令

令署理常甯縣知事劉慶

為令委事案照常甯知事王大魯調省遺缺查有新委城步縣知事劉慶堪以署理除分行外為此令仰該知事即便遵照剋日馳赴城步接印視事仍將到任日期暨接收交代情形連同履歷具報備查此令

趙恆惕

中華民國十年十二月六日

湖南省長公署牌示

照得人民具呈須用正式呈紙備具副呈填載姓名籍貫住址粘貼印花蓋用警察廳發給各店責有歸職記方准收受此外一概擲還其郵遞呈件除有法定機關暨公益團體鈐印外手續不完備者均作

總務

二

無效概不批答前經示諭並通令各縣錄令佈告在案原為杜虛誣而防偽託起見查近來不遵規定程式捏名誣告者仍復在所不免戶籍既無姓名可問擔保又無證據可憑鬼蜮離奇莫從究詰自應置之不理嗣後^無論何人具呈到署務各遵守定章毋違惟各店保亦不得藉此故索多金致干查究切切特示

中華民國十年十二月六日

內務

湖南省長公署指令

令城步縣知事蕭文鐸

呈報前次桂潰兵入城向地方索款及退後籌辦善後事宜并派款各情請察核委查由
呈悉據稱前次粵西潰兵入城向地方勒索款項所有招待一切及退後籌辦善後事宜並派款等情均
經該知事會集縣議員及地方士紳公同議決尙無不合各鄉已派定之款自應責成各團總照數繳解
以資結束至請委員查辦一節候令該縣新任劉知事查明覆奪仰即知照此令

趙恆惕

中華民國十年十一月十六日

湖南省長公署訓令

令新任城步縣知事

爲令行事案據現任城步縣知事蕭文鐸呈稱呈爲謹將屬縣前次被桂潰兵勾結股匪入城向地方勒索款項暨潰兵股匪退後籌辦善後事宜并派款各情形據實縷呈仰祈鑒核并懇派委查辦事竊查前次廣西潰兵竄入屬縣蘭蓉鄉之時准縣議會函開逕啓者頃接饒銘鼎函稱明日奉敝團長命令來縣接洽誠恐帶有槍枝進城敬祈諸公轉知地方父老昆弟切勿驚疑呂營長亦預有函知縣署矣特此佈達敬請鈞安等因准此相應函轉貴公署查照速即佈告地方免滋誤會此致同日又據蘭蓉鄉保衛分

內務

局長陽聚珍報稱有廣西潰兵數百人持有快槍由廣西所轄之興安縣退至職鄉駐紮人民異常惶恐紛紛遷徙請賜救援各等語前來據此知事即一面於陽日用代電呈報總司令部暨鈞署並寶慶鎮守使署及駐武防軍第十八團譚團長請派兵臨縣鎮攝一面召集縣議會及在城士紳協商防禦方法其時到會者約有二十餘人僉稱公舉縣議會議員楊國棟商會會長戴國瓚保管處處長楊盛琳邑紳唐熙平王蔭枚等前往代表婉言阻止並允許該潰兵暫駐蘭蓉鄉所需火食由城按日派送原冀一時羈留候大軍到時再行驅剿詎該代表等阻止不力次日午前八時戴國瓚隨同該潰兵所遣團附饒銘鼎并騎入署知事恐陷危險時未予會旋據該代表戴國瓚聲稱該軍來城原為蘭蓉鄉一帶新穀未熟購食維艱除來城要求供應火食外如有別項舉動國瓚願負完全責任云云知事細查該潰兵所遣團附饒銘鼎原係城步人民曾充城步綏寧兩縣警備隊長數次乘與地紳往來甚密所云要求供應火食亦是敗兵常事故知事信未防奸出與該饒銘鼎接洽並將地方瘠苦及西巖寺陳甫廷反水防軍警備隊團兵正在搜擊貴軍來城誠恐發生誤會力予阻止並仍請暫駐鄉間正交涉間該潰兵隨於午後一時接踵入城知事調查該潰兵人數雖有五百餘名然有快槍者僅百餘桿其餘均係徒手馬刀梭標等類知事見隊伍複雜不堪即於是日密派科員李名炳改裝赴武頒請救援並於灰日電呈鈞署請示在案此潰兵入城及公舉代表阻止並知事密派科員赴武請援之實在情形也至潰兵到後所辦招待等事純係保管處及商會經手其時因地方經濟困難無處籌措隨接縣議會咨開逕啓者案准貴知事暨各機關主任并各士紳來會提議頃聞廣西軍隊已入蘭蓉鄉境界有來城消息應宜預備招待所有用

費業由縣長科長暨各界議定仿照原例歸全縣負擔茲舉定王君秉炎楊君盛琳戴君國瓚謝君鎮湖段君吉庚楊君國棟藍君李華唐君熙平李君本輝饒君勳王君蔭枚呂君啓訓雷君驚廷蕭君蔭庠等爲軍事招待員籌款方法由招待員及各機關向殷實富商墊出歸保管處立票加息負責償還此議旋准商會長戴國瓚及饒勳等提議此次預備招待向借刻難各招待員籌議請貴會咨陳公署暫由官產項下暫借洋三百元俟殷實富商墊出後卽行償還至由貴會咨向公署借出之款仍歸各招待員全體擔籌速還此請等因相應函請貴公署查照施行此咨等因到縣知事爲保全地方計祇得據咨轉函官產委員曾子唯照數撥墊其洋三百元當卽點交保管處長楊盛琳商會長戴國瓚邑紳謝南山饒勳李郁林等親手領用并取有收條附卷不意地方招待不周次日該潰兵復派僞團附饒銘鼎約集商會會長戴國瓚及地方招待員來署聲稱地方招待不周要求將供應火食費資折洋五千元作爲旅費以便他往免再逗遛等語知事明知該僞團附饒銘鼎爲虎作倀不便如何答覆而地方士紳僉以此舉爲善比承認籌洋壹千元迄向地方攤派而邑紳殷實富商均皆預逃未見至三更時候該潰兵追逼如火而地方所籌者僅數百餘元各招待員被逼無法乃由保管處長楊盛琳邑紳李本輝唐熙平劉克成縣議員楊國棟等復來署向知事借洋四百八十餘元以足千元之數知事以地方安危所係不忍坐視復令庶務處湊洋四百八十餘元令科長石湘藩饒卓元點交保管處長楊盛琳等送去以盡維持之力不意越時該僞團附饒銘鼎復倡言如五千元之款不足則請將警隊槍枝交出知事見勢難持遂乘間退避典獄著不轉瞬間匪隊蜂擁入署陣將署內公私物件及文卷檔案等件毀劫殆盡而合城紳商除警備

隊長饒士毅家被劫外其餘均皆無恙此地方籌辦招待及向公署借款並公署被劫之實在情形也迨至十五日防軍童營長琨率部攻擊到縣潰兵股匪敗走知事隨即返署恢復原狀並於二十三日召集縣議會議員及在城士紳十餘人到署磋商善後辦法並提議此次因招待匪軍因議會咨請公署向官產項下借用及招待員被逼時向公署借用先後共光洋七百八十餘元又保管處所借常平倉穀一百五十石並招待員私人墊款應如何速籌歸還又警備隊本年欠餉應如何籌發此次被匪蹂躪痛定思痛應如何籌辦善後以維桑梓均請逐一議決以便進行旋據縣議會議員楊國棟呂啓順商會會長戴國瓚邑紳饒勳等十餘人議決歸還公署墊款及招待員墊款共洋一千一百元警隊欠餉約洋一千六百元至籌辦善後擬將全縣保衛編設總局加購槍枝暫籌開辦費洋五百元以上三項約需洋三千二百元應根據議會來咨仿照原例歸全縣負擔作十三鄉攤派請公署責成原招待員催收繳署等議當與議各員列成議案并派定各鄉應捐數目復由到會各員署名簽押在案此知事返署後召集縣議會議員及在城士紳籌辦善後事宜并經公派定各鄉款項之實在情形也嗣知事於二十六日根據二十三日議案通令各鄉團總按照派定數目向團內殷實籌措并委縣議會議員楊國棟邑紳李本輝唐熙平劉克成楊盛琳等五人分向各團總提取以昭核實正辦理間忽於十月二十九號據蘭蓉鄉團總王永能呈稱爲據實呈明仰祈鑒核事九月二十六日案奉鈞署訓令內開除原文有案邀免冗敘外等因奉此查職鄉應派洋陸十元業由職代書稟據交由唐委執回職正向各殷實攤派頃奉縣議會函開逕啓者頃奉省長指令內開呈悉據稱該縣蕭知事對於匪旱各情不惟毫無補救反令迫地方承認填償

該知事股匪入城損失派員四鄉追索自應嚴加懲處仰將確證據呈署以憑核辦等因奉此相應函達
台端祈將此次委員下鄉所派捐款若干繳到若干及公署一切信件證據即速親自攜送來會以便轉
呈是所切盼此致等因奉此用特據實呈明務懇暫收回成命緩期催收免職居此兩難地位則幸甚矣
並乞指令祇遵謹呈等情據此知事不勝駭異查前次潰兵未入城以前係地方公推縣議會議員楊國
棟商會會長戴國瓚保管處處長楊盛琳等先後前往接洽并在議會公舉商會會長戴國瓚保管處處
長楊盛琳王秉炎縣議會議員楊國棟呂啓訓藍李華雷驚廷邑紳謝鎮湘李本輝饒助王蔭枚唐熙平
蕭蔭麻等爲招待所招待員復經議會咨請知事佈告人民毋得驚恐迨後潰兵所遣僞團附饒銘鼎入
城亦係商會會長戴國瓚首先偕同并騎進署知事以饒銘鼎既係城步人議會及各士紳自能信其爲
人不致僨事然知事猶懷遠慮仍一面密派科員李名炳改裝赴武請救並呈電一切在知事捫心自問
亦可告無愧於地方矣乃該縣議會始同終異自相矛盾反謂知事對於匪災補救無方此應請查辦者
一也此次攤派各鄉款項既爲前次潰兵入城向地方所索之款及本年警隊欠餉並籌辦善後經費如
潰兵所索各款係由議會及邑紳咨請向官產項下及公署并招待員私人借墊者警備隊欠餉及善後
經費係由知事召集議員及各士紳集議公同簽押表決者咨文議案一一具在知事執行之時議會如
以前次所議辦法有未妥善即應咨明阻止另議緩辦何得事前則咨請借墊由全縣負擔事後則突翻
前議捏詞妄控似此陽奉陰違自相舛謬此應請查辦者二也且該議會上控後奉到指令更應咨會知
事遵照辦理何得暗地函囑各鄉團總卡款莫繳唆民反抗行同鬼蜮此應請查辦者三也該會既控勒

捐又嗾抗繳固欲將此款取消以輕人負擔何令飭各團將所收各款解繳該會查議會雖屬民意機關亦祇有監督行政之權並無攘奪行政之例壞公圖私侵越權限此應請查辦者四也且此次各鄉攤派之款共計洋三千二百元歸還官產項下及公署并招待員私人借墊者僅七百八十餘元其餘係警備隊欠餉及籌辦善後經費該會統稱謂填補公署損失不知何所據而云然查議會為最重機關似此信口雌黃意圖陷害此應請查辦者五也况該議會閉會已久議長蕭永森九月九日濱兵進城時對於籌款借款等事尙共同與議十日蕭即返家至今並未到會此次誣控之件純係該會議員呂啓訓與少數地痞假議員名義希圖阻撓公益以快私心此應請查辦者六也以上數端知事均執有該會咨文議單可憑并有在場公正士紳可質所有各鄉派定款項除責令各團總繼續繳解外理合將各緣由備文呈請鈞署察核查辦靜候訓示祇遵謹呈等情據此除指令呈悉(同上文)此令印發外合行令仰該知事即便遵照辦理此令

趙恆昂

中華民國十年十一月十六日

教育

湖南省長公署指令

令湘鄉縣知事鄧德瑞

呈覆查辦彭一琦私賣學校與天主教堂一案由

呈悉據稱天主堂佔居女學校舍又復侵攘圖書器具彭一琦被勒書立賣契各情核與前該縣鎮紳傅百善等及女校校長成希蕃迭次控告內容相符該知事責令彭一琦向教堂理落與追還圖書器具各項辦法亦屬平允暫准照所擬辦理惟天主教徒類多無賴子弟溷跡其中藉教殃民肆無忌憚業經通令各縣知事切實查明呈報核辦在案今於該縣又發見侵佔學校行為殊堪痛恨自應查明無賴教徒姓名以便援照前令逐出湘境而肅教風至彭一琦是否與教徒狼狽為奸亦應查究仍仰明白賣報核辦此令

趙恆惕

中華民國十年十一月二十一日

湖南省長公署指令

令保靖縣知事胡履新

呈請查照原案增加油鹽捐為學款由

呈悉據呈各情核與民國六年原案相符應准照辦仰即查照所請各情辦理可也此令

教育

中華民國十年十一月二十一日

湖南省長公署訓令

趙恆惕

令財政廳廳長鍾才宏

爲令行事據保靖縣知事胡履新呈稱案據屬縣勸學所所長周天垣呈稱呈爲請加油鹽捐以維學務現狀藉符原案而策進行事竊職自接辦勸學以來夙夜^{兢兢}合盤籌畫深恐有負委任惟學款進項預算出款實屬不敷甚巨現今疊奉鈞署轉頒省令視教育爲國家命脈已分年列表按期擴充刻不容緩非於原有另籌的款斷難敷用查油鹽捐一項每篋原抽錢四十文仍屬杯水車薪經前勸學所所長余煥炎於民國六年呈請各上峯擬於此項捐款每篋再加抽錢四十文合前原抽共錢八十文業蒙前省長譚批准施行在案旋因軍事發生數載於茲商業停滯尙未施行現地方已復原狀懇請擬照前議抽收於商無困於學務則獲益良多否則現狀已難維持進行誠恐無望所有仍遵前案加抽油鹽捐緣由除逕呈省長外理合具文呈請鈞署查核准予令行商會轉知商民一體遵照前議每篋抽錢八十文以資挹注而維現狀實爲學便謹呈等情據此知事覆核無異理合備文呈請鈞署俯賜察核施行深爲學便等情查與民國六年呈准原案相符除指令照准外合行令仰該廳長即便查照備案此令

趙恆惕

中華民國十年十一月二十一日

湖南省長公署指令

令第一區省視學姚孟宗

呈竇益陽縣學務視察報告表等情察核飭遵由

呈表均悉查核該視學所訂照辦券及記要各條於益陽縣教育具有切要之計劃其應嘉獎各員候鈔發原呈令仰益陽縣知事遵飭可也此令表存

趙恆惕

中華民國十年十一月二十一日

湖南省長公署訓令

令益陽縣知事雷 豫

爲令行事據第一區省視學姚孟宗呈竇益陽縣學務視察報告表等到署除指令(同上全文)印發外合行鈔發原呈令仰該知事即便傳諭嘉獎各員以資鼓勵此令
計鈔原呈一件

趙恆惕

中華民國十年十一月二十一日

湖南省長公署指令

令臨武縣知事傅 壹

呈請令委鄭時彥爲縣視學由

呈及履歷均悉查核該員資格尙無不合應准令委委任令隨文併發仰卽轉給具領惟該前視學雷識劍尙未呈費視察報告併仰飭知尅日造費以便查核此令履歷存計發委任令一件

趙恆勳

中華民國十年十一月二十一日

湖南省長公署委任令

令臨武縣視學鄭時彥

爲令委事據臨武縣知事傅壹呈請委任鄭時彥爲縣視學除指令照准外合行令委該員令到卽便認真視察毋負委任此令

趙恆勳

中華民國十年十一月二十一日

湖南省長公署指令

令私立妙高峯中學校校長方克剛

呈費第七班學生表懇准畢業由

呈及費件均悉該校第七班學生陳名良等二十六名修業期滿自應准予舉行畢業試驗併候派員蒞

校監試以昭慎重此令

趙恆惕

中華民國十年十一月二十三日

湖南省長公署訓令

令財政廳省教育經費保管委員會

為令行事據私立達材法政專門學校校長馬續常呈賈憑單到署請領十年九月份補助金三百四十

元以資接濟等情據此查核數目尙合應准照給除令省教育經費保管委員會照發外合行檢發憑單令仰該

應即便查照發給此令

趙恆惕

中華民國十年十一月二十三日

湖南省長公署指令

令前任省立第二師範學校校長張 炯

呈請發給欠費以資結束由

呈粘均悉據稱校內迭經駐兵移交困難尙屬實情業經委員前赴該校查明該前校長任內新修添購各件應候該員查明呈覆再行核辦至本年三四月欠領各費現經財政廳會議調查清理一俟籌

教育

教育

有辦法即當飭遵此令粘件存

趙恆惕

六

中華民國十年十一月二十二日

湖南省長公署訓令

令湘岸權運總局

爲令行事據本署政務廳呈據省教育經費保管委員會函開前奉署令鹽商徵收教育經費與鹽稅一併解繳分局跡近通同舞弊嗣後如再違案辦理應與受同科一面責令鹽商照數賠償一面將分局局長撤差等因一案准商公所接奉權運總局錄令轉行遵照鹽商多懷疑懼據云各岸銷鹽課本本係分收分局收課商人收本教育經費原案由分局併稅徵收發交商人領解後雖奉令改由商人並本經收尙未實行實無舞弊之可言即無賠償之責任似此勉盡義務辦理殊爲棘手等語查敝會前經呈署核准教育經費改由商人併本經收報解原係用省手續以專責成起見各岸尙未實行自未便責商賠繳相應函懇台端轉達權運總局務請重申前令將教育經費實行由商人併本經收報解俾專責成而釋疑懼至級公誼等因轉請核示前來查鹽款劃撥教育經費原擬隨商本扣繳故前令有責成賠償之語無如各局仍照舊例辦理致違定案前既令由各分局於下票扣償商人已無賠還之責茲該會函稱各節自屬實情惟嗣後應嚴飭各分局務將教育經費實行由商人併本經收并飭令取其教育經費保管委員收據抵解在各分局固不得藉詞留難在商人亦望勿畏勞推諉除飭廳函復外合行令仰該總局

即便轉飭各分局暨各准商一律遵照勿違此令

趙恆惕

中華民國十年十一月二十三日

公函

逕復者頃准

貴會函請轉達權運總局務將教育經費實行由商人併本經收等因業經呈請省長令飭權運總局轉飭各分局及准商遵辦矣相應函復

貴會即希查照爲荷此致

省教育經費保管委員會

政務廳啓十一月二十三日

湖南省長公署指令

令第二師範校長陳國鈞

呈請辭職並繳校印由

呈悉該校此次風潮業據曾科長詳晰呈報前來所有善後辦法并經令仰該校長遵照辦理該校長辦理該校甚屬認真現值整理改進之際正待負責進行以期完善仍仰勉爲其難毋得遽萌退志是爲至要校印發還此令

教育

教育

趙恆慧

八

中華民國十年十一月二十三日

湖南省長公署指令

令教育科科長曾毅

呈復查辦第二師範風潮經過情形由

呈悉據稱第二師範此次風潮（原於徵收膳費查此種變通辦法實由公家經費困難所致業經該校學生承認照繳乃少數學生事後索還遽相爭鬧且愈鬧愈烈致受甲罰者二十餘人實屬咎由自取查學校開除學生要在禁制惡行不使爲優良各生之阻害更欲藉以鞭辟曾爲惡行者之反省辦理原具苦衷此次該校被開除各生宜如何閉門思過以圖自新乃敢更加橫肆舉動大越常軌馴至陷入刑事範圍而不自覺似此自甘暴棄殊難曲予寬容應仍照章執行以肅校規而儆効尤陳校長辦理該校力圖改進本無過誤值此整理進行之際應即指令該校長勉爲其難并令嗣後妥爲訓導在校諸生務以德業相切磋以學問相砥勵一面設法聯絡各生家庭共相管教以期完善惟該校係數十縣師範人才造就之地前此停辦數年已多缺憾自經此次教訓在校各生如能力加憤悱痛改前非以樹各校學生之模範是則本省長所厚望也並候令行該校長轉布該生等一體知照此令

趙恆慧

中華民國十年十一月二十三日

湖南省長公署訓令

令省立第二師範學校校長陳國鈞

爲令行事據教育科科長曾毅呈稱呈爲詳明呈覆事竊職於前月在本籍宣講省憲正擬回省適奉電令查辦第二師範風潮漢壽距常甚近來往頻繁風潮發生已歷五日知其事者間亦有之適二師教員鄧文彬二中監學彭岑在漢訪以陳校長平日辦理情形及風潮發生原因據稱陳校長到校以後力圖改進每日黎明即起集各職員在事務室治事至法定時間始散一切整飭秩序釐然風潮未生之前即預有所聞謠傳有人播弄究難徵實等語詢之他人約略不甚懸遠此未到常以前之所聞也抵常後即住二師校察看一切并拜晤鄒知事詢以辦理之經過情形彼初擬和平辦理令歡迎陳校長回校祇處學生以乙罰或令具悔過書了事遂偕同第二科科長蒞校召集學生勸諭卽有笑者有走竄者有誼譁者其狀不一但聞高呼不承認陳校長鄒知事令不承認者有何許人請署名以資參驗身當要路并着隨人佐助布視伸紙以期得學生之總意忽而學生一陣衝鋒闖越而散以爲如此囂張而計教育之將來非另設辦法恐難處置故電請另派人辦理此鄒知事辦理之詳情也自是學生始多相將來見其始爲二師五級學生聲明不在此次風潮之內對於陳校長并不反對其次卽爲滋事學生有十餘人歷詆陳校長之非是其意非另委校長無解決法語氣頗爲堅強職當告以陳校長產生之原因係西師校友會所推選西路同鄉會所公薦政府採之輿論覆加考察而用之及委任令下陳校長以學款困絀堅不欲就經友朋勸駕始允至暫收膳費俟省款領得後仍行發還實屬不得已之舉而於公家得暫紓其困

於學生求學不生障礙雖曰因貧受痛將來仍有償還之時非一去而不可復返者於公於私兩有所濟今日閱報省一節範亦有收取膳費一元之說彼且仿行足徵辦理亦當至於所言陳校長之在校情形與觸發學潮各節姑就諸生所言及所發傳單觀之不禁有三疑點年來各處風氣頹壞學規不振打校長逐教員之事屢有所聞立於今日之教育界者多以利導誘勸爲宗未敢專事抑壓汝等言校長辱罵學生奮拳張臂以示威武陳校長縱不知其他獨未聞今年暑假前之二中風潮殷鑒不遠乎陳校長獨敢以一人挑衆怒庸妄乃至如此乎此一疑點也傳單言陳校長大擺官派云有話明天再說細思此語未爲太過時已十句鐘照學規應久安寢而事又非大緊急挨至明天不可者何以必於黑夜之時強與爭執雖不敢謂有趁夜滋鬧不辨皂白之意存乎其間然究不解不予稍緩須臾之爲何也此二疑點也汝等言並未動手惟校長室三面玻璃何以多已破壞校印乃政府信守之所寄與諸生何干而必奪而私藏之如或私印公文必且發生刑事此三疑點也至於汝等所言校長之非是似尙不足爲撤差之罪不敢妄行呈報以仰學生之所見云云次日職會同鄒知事召集全體學生就昨所言詳加勸慰學生多有首肯者並告以此次風潮尙須詳加調查然後呈報而學生復有以撤校長相要又常德各界聯合會亦轉來學生之函亦以去陳爲請而陳又無可據爲罪惡之地就各方面詢問俱云學生能以謙等二三十人滋鬧證狀職未嘗目覩不能反證其無學生方面又持絕端無可迴旋之餘地旁觀者充耳各不欲聞不得已與鄒知事細商極力減少牽染分別情節輕重始有東電之呈請此初次辦理之詳情也及奉電令又與鄒知事商量以爲開缺學生必起反動宜從警兵維持秩序而職亦以沅水一帶民性強悍又

一中前鑿不遠不能無此戒備果也牌示發表開缺學生聚而碎毀之並一致圍攻職與鄒知事一時玻璃破碎聲門壁撞壞聲與辱詈聲呼打聲雜出有如鼎沸幸一師一旅參謀孫剛身當其衝又得軍警稽查處聞聲蹤至者數名幫同維持約歷一二時始行離校而開缺學生自是一切不顧盤踞不出妨害安分學生不令上課破毀器物了無忌憚即住校職員時受其辱又與鄒知事商議以爲非速令出校學校必爲所停廢是以有電令蔡鎮使唐旅長協同辦理之請且蔡使行署即在該校事實上有不能不求其援助者及蔡唐奉令乃先勸慰開缺各生即日出校其餘應安心上課婉言誘導否則即執行電令職亦從場開說以謂學生與有維持學校之責受處分者應即服咎轉向他途以自重其人格旋蔡唐又迭派副官參謀多方誘導學生中殊亦無甚異議也及至時幾夜半開缺各生聚而鳴誓酗酒挾刃擁至職所居之省二中校推開校門時職與二中校長劉厥歐將解衣就寢聞門外凶聲大作知必有變乃走避他處事後乃悉該學生等曾於出校之前試刃師校某學生之皮箱該學生阻其行爲幾釀命案及入中校之門首執號房迫索職及劉校長何在因職居中校學生間有謠傳劉校長參謀之說故也號房詭言始釋當即舉其兇器到處搜索約一時餘始散旁人聞者無不吐舌其小鋪尙拾得一柄可以呈驗而師校學生隨有追蹤而至者將以阻止此項凶行而次日學生間亦自向人解說謂將有求於職也惟職以爲既未受傷事亦可已非所論於殺人抵罪之列該學生因開缺而生忿青年血氣不能引咎自責乃欲亡身拚命喋血尋仇洩憤私人貽害父母未及細思醉狂爲此無論其爲行凶爲威嚇似可無庸根究以開其慕義之心此奉令處辦之周折及職遇險之詳情也及職避居旅部蔡唐仍日派員至該校開導而教職

員轉多灰心辭職職勸以曾本前次省署電令維持現狀其五級之照常上課者猶然絃歌未輟四級三級學生亦多明曉事體紛紛上課又師校伙食費已竭職與陳校長仍設法維持不可令其斷炊重增波折且職與陳校長既已離常開缺學生滋鬧已爲無的放矢想日來必多改悔漸就秩序矣尙懇鈞座去令勸慰上課學生及在校各生必將踴躍鼓舞熱心向上人非木石能不動心矧在學生受有教育非等於頑梗不化之輩其爲感激可知至於開缺學生常德教育會有以爲於常德學生較多者頗爲痛惜擬要求一二開復此於事勢上固有難行而在教育原理亦未始不可通說該學生中如材質可造而能痛自改悔由其父兄邀同切實保證出具甘結准予再行編級試驗藉廣造就而以開缺之舉視爲一種不屑之教誨促其反省非終予屏棄蓋古來有逐臣放妻因悔而還復者往往見之况在教育尤與殊情職初意以爲似尙可通而在行兇後覺太難解說如鈞座猶以爲可採卽宜委之於校長切實考察審慎行之此職離常時之該校近情及善後辦法之末見也是否有當謹詳陳經過俯候訓示敬呈等情據此除指令呈悉據稱第二師範此次風潮原文同上指令括弧內一體知照此令外合行令仰該校長卽便遵照辦理此令

趙恆惕

中華民國十年十一月二十三日

實業

湖南省長公署訓令

令瀏陽縣知事

為令知事案准

廣東
陝西省公署咨開准貴署咨據瀏陽縣知事呈稱提倡農林徵集各項優良種子并附表式一張到署准此除令行農林機關查照選集列表逕寄外相應咨覆請煩查照各等因准此合行令仰該知事即便轉飭該會知照此令

趙恆惕

中華民國十年十一月二十四日

湖南省長公署指令

令湘潭縣知事

呈賣荒山調查表由

呈件均悉查表所列調查荒山情形尙屬切實仰即遵照強制造林章程第一二三章規定各條籌足林費先將公有荒山開闢林場作農民之模範一面督飭各林區分設苗圃限期將私有荒山一律造林并遵照第四第七兩章強制處分罰則各規定嚴厲執行務使地無遺利野無閒民一以阜材木之用一以弭禍亂之源總期積極進行毋稍敷衍從事是為至要至調查補助費准予行財政廳查照發給合併

實業

實業

飭知此令表存

趙恆惕

中華民國十年十一月二十四日

湖南省長公署訓令

令財政廳

爲令行事案據湘潭縣知事孔慶誠呈稱案查接管卷內奉鈞署令發調查荒山表式飭即轉行農會於一月內填實此項調查費每縣准由省款補助一百元併先轉飭知照等因奉此當經行知農會查照辦理在案旋以潰兵過境土匪四出滋擾以致未能遵辦奉令嚴催復經督飭農會轉催各委員分途出發尅日趕辦並責成各保安團及清鄉隊隨時保護去後茲據農會將各委員調查所得共計荒山二百四十五處分別官有公有私有依式繕具調查表請核轉並聲明保安團未成立清鄉隊未到之處仍不敢冒險前進並請轉懇發給補助費等情前來知事查核所填調查情形尙屬實在除督促該會切實詳查如無兵匪妨礙之虞仍應一律調查完畢補造調查表另文呈實外理合檢同來表備文呈請鈞署俯賜察核並將前項補助費照數撥給轉給具領實爲公便等情據此除指令准予發給補助費一百元外合行令仰該廳即便查照核發此令

趙恆惕

中華民國十年十一月二十四日

湖南省長公署訓令

令嶽麓森林局

爲令知事案准

安徽省公署咨開准咨據嶽麓森林局請徵集林種暨交換林種各表到署除令發實業廳轉飭所屬農林機關遵照填寄外相應咨覆查照等因准此合行令仰該局即便知照此令

趙恆惕

中華民國十年十一月二十四日

令瀏陽縣知事

湖南省長公署指令

呈賚荒山調查表由

呈表均悉查該農會辦理調查事項尙屬認真仰即遵照強制造林章程及本署前後各令切實進行毋得因循敷衍是爲至要切切此令

趙恆惕

中華民國十年十一月二十四日

湖南省長公署咨覆福建省長文
爲咨覆事案准

貴省長咨送甲種農業學校徵集有用樹種表到署除令飭所屬林業機關照式填載逕寄該校外相應咨覆

貴署即希查照此咨

福建省長

湖南省長兼總司令趙恆惕

中華民國十年十一月二十五日

湖南省長公署訓令

衡嶽
森林局
陽山

為令行事案准

福建省長公署咨開據本省教育廳呈稱據省立甲種農業學校校長林炯呈稱竊維欲圖林業之振興首宜搜羅有用之樹種閩省地居亞熱帶特產樹種為數固多而各地有用樹種與閩省氣候相宜者亦應極力搜羅以增林利近來各省林業機關對於搜集有用樹種一事不遺餘力閩省林業雖稱發達然僅限於固有樹種似未足以應國內國外各種之要需職校本此宗旨現正規劃演習林業擬極力搜羅各地有用樹種加以試驗如果該樹種與閩地氣候相宜者再當廣為傳播以期普及全省茲特擬具徵集樹種表式二百份呈請察核准予轉呈省長轉咨各省省長令飭所屬林業機關搜集有用樹種若干

并將表格填明逕寄職校應需郵費俟種子到後自當如數匯寄爲此具文呈請察核示遵實爲公便等情並附送表式二百份到廳據此查該校現擬徵集各地有用樹種試驗氣候土宜廣行傳播係爲振興林業起見自應照准除指令外理合檢同原表二百份具文呈請察核轉咨等情並附表式二百份到署查該校爲振興林業起見擬徵集各地有用樹種加以試驗廣爲傳播用意甚善自應准予照辦除指令并分咨外相應檢同表式咨請貴省長查照轉飭所屬林業各機關照式填載逕寄該校實爲公便此咨等因並附送表式到署准此除咨覆並分行外合行檢同表式令仰該局即便將有用樹種搜集若干按表填註逕寄該校查收可也此令

計發徵集表式二紙

趙恆惕

中華民國十年十一月二十五日


致宋師長電

陸軍第一師宋師長鑒由總部移送虞代電悉查劉吉榮等於林前省長任內請修載福垸一案當以放墾修垸純係水利局主管職權令行該局查覆核奪嗣據該局呈稱此案應由該民等繳驗照據有無優先承墾權派員勘明該處修垸是否侵害他人照業妨害水道核准之後繳莊領照方准給示興修等情本署以該局所呈係屬正當辦法批示劉吉榮等遵照辦理以符定章乃劉吉榮等不遵法定程序遽爾設局修堤以致徐國賓等假請軍隊爲名肆行騷擾設局抽稅發生種種不法行爲迭據各方人民紛紛

控告一面咨請

總部轉飭該處防軍毋得聽人刁聳致滋擾害一面令行水利局併案切實查明迅予究辦至劉繼周有無朦請盧副官把持挺扛情事亦經令行南縣知事查覆南縣知事於江日電呈各情業經調閱總部卷宗藉悉劉吉榮等假修載福皖朦准出示保護各情惟徐國賓等藉端騷擾已經

總部指令南縣知事遵照查辦在案茲據虞電各情該劉吉榮等不遵定章承墾洲土膽敢擅行設局勾結軍隊抽取漁柳蘆柴各項利益顯係罔上行私肆圖侵佔爲害地方法所難宥除咨請總部將該項保護佈告明令取銷立予澈查嚴辦並令南縣知事即便遵照嚴行查辦以肅墾政而靖地方外合將辦理此案經過情形電復知照省長趙印



財政

湖南省長公署訓令

令 盧林潭 梅田湖 米禁稽查處專員

案查前准

省議會咨送禁止穀米出口辦法業經本署錄案布告並分別咨行各在卷查此項辦法第九條規定查獲穀米准其一律充賞以示鼓勵等語係專指華洋籌賑會及地方團體查獲穀米而言該處係特派米禁專員各員巡均定有薪餉所獲穀米仍應遵照米禁單行章程第十四條辦理除分行外合行令仰該員即便查照此令

趙恆惕

中華民國十年十一月二十一日

湖南省長公署訓令

令寧鄉雜稅局

案據該局賚送十年八月屠宰確稅報告書二本到署查確稅書內本月結存數應列各種分配數欄並將其數滾入收支統計下欄填列方能平均適合來書誤列收入數欄此次姑准代為更正嗣後務須注意至書內撥付審查員津貼一欸已否取有該員印收坐支開辦經費一百八十餘元曾否經財政廳核准來書均未註明應即查覆備核再該局經費既照定章坐支何以又撥該局長及稽核薪洋一百元併

財政

財政

應如數繳還仍於下月列收繳解以重公帑又該縣九年十一月起菸酒印花兩稅迄今全未報告屠宰
硝稅自九年十一月至十年七月止亦未造送現查各項雜稅概歸該局接辦合行令仰該局即便遵照
書式查明移交案內自九年十一月起按月分項補編刻日彙費本署核辦毋延此令

趙恆惕

中華民國十年十一月二十一日

湖南省長公署訓令

財政廳廳長 常德 湘陰 沅江
長沙總商會 岳陽 安鄉 華容
令長岳關監督 漢壽 益陽 澧縣
梅田湖 米禁稽查處專員
蘆林潭

南縣知事

案准

省議會咨開案准特務審查會（報告書開前准本會發交謝維翰提議收回米捐護照禁止穀米出口
一案并初讀會討論速記錄一份及議長指定特務審查員名單一紙本審查會即於本月二十九日開
會審查此案之要點在官禁不如輔之以民禁惟人民團體散漫既苦責任之不專且恐或滋紛擾之弊
議除不關緊要之地方由人民團體自行查禁外所有輪船火車及沿邊釐金局卡均責成華洋籌賑會
慎選熱心義務之人分別派駐會同各方面協力舉辦庶事實可免障礙而權限仍歸統一且得外人之
協助尤可免奸商之規避至已經售出之米護照政府既無力收回然商民債權所關應准其俟穀米開

禁後仍得繼續有效以示維持經本審查會酌議辦法數條報告大會敬候公決等語並擬具辦法十一條隨於十一月一日提出二讀會當將條文字句略加修改接續三讀均無異議案經多數公決爲此備文連同辦法十一條咨請貴省長）請煩查照施行等因准此除咨覆并布告分行外合行抄發辦法令仰該會應監督專員知事即便查照此令

計抄發辦法一紙

趙恆惕

中華民國十年十一月二十一日

湖南省長公署布告

爲布告事案准

省議會咨開案准特務審查會（原文同上）請煩查照施行等因准此除咨覆并分行外合行抄錄辦法布告商民人等一體遵照毋違此布

計抄錄禁止穀米出口辦法於左

- (一) 政府已經售出之米護照應由政府宣告一律停運俟豐收開禁時米護照繼續生效
- (二) 行駛長江輪船多夾帶穀米除責成長岳兩關切實查禁外應由華洋籌賑會派員駐關會同查辦

(三) 沿江濱湖各釐卡雖由政府迭令禁止穀米出口然流弊甚多應由華洋籌賑會按卡派駐專員

并就近會同地方商會團保巡警切實查禁

(四)岳陽城陵磯藕池口等處爲穀米出口要道現時政權尙未統一應由華洋籌賑會派員前往會同該縣知事及當地紳商並釐金局卡切實查禁

(五)火車夾帶穀米亦所不免應由華洋籌賑會派員會同鐵道警察切實查禁

(六)除火車及各關卡由華洋籌賑會派員專駐辦理外其各邊縣境內尙有可以偷漏穀米出口之地方准由地方團體設法查禁

(七)所有查獲偷運或賄放出口之穀米經華洋籌賑會派員查獲者由該會直接處理經地方團體查獲者團體公同處理一面報明縣知事及華洋籌賑會備案

(八)華洋籌賑會查有賄放穀米情事除穀米充沒外應將受賄人報告政府嚴辦

(九)查獲穀米准其一律充賞以示鼓勵

(十)出口民船准酌留食米照向章辦理

(十一)本案專爲防制穀米出口起見所有本省內地各屬仍准互相流通不得禁遏

趙恆惕

中華民國十年十一月二十一日

湖南省長公署咨總司令部文

爲咨行事案准

省議會咨開案准特務審查會(原文同上訓令括弧內)請煩查照施行等因准此除咨覆並布告分行外相應抄送

辦法咨請

貴部查照并轉飭株萍長岳局長遵照為荷此咨

湖南總司令部

計抄送辦法一紙

趙恆惕

中華民國十年十二月二十一日

致華洋籌賑會公函

逕啓者案准

省議會咨開案准特務審查會(原文同上訓令括弧內)請煩查照施行等因准此除咨覆並布告分行外相應抄送

辦法函請

貴會查照辦理為荷此致

華洋籌賑會

計抄送辦法一紙

湖南省長公署啓十一月二十一日

湖南省長公署咨省議會文

財政

財政

爲咨覆事案准

貴會咨准本署請覆議收回米捐護照禁止穀米出口辦法一案請仍查照前案辦理等因准此除錄案布告並分行外相應咨覆請煩查照爲荷此咨

湖南省議會

省長趙恆惕

中華民國十年十一月二十一日

湖南省長公署指令

令湘岸權運局局長

呈爲遵諭轉飭衡陽等局減收軍費四角由

呈悉准予備案此令

趙恆惕

中華民國十年十一月二十三日

司法

湖南省長公署訓令

令各縣知事

爲令行事案查收擊相坐乃專制時代之淫威我國自革新以來所有殘民制度概經剷除一切刑事訴訟案件除有罪必伐外其法無正條者不問何種行爲不爲罪刑律定有明文所以示大公杜冤濫也比因軍事迭興治道廢弛吏不奉法民習爲奸詐僞之俗成羅織之風盛各該地方每因一案發生或尋前隙而肆意株連或圖詐財而張胆喫噬甚至無聊痞棍不肖濫紳視爲利藪不惜喪心昧良從中慫恿心快一飽親族被其摧殘閭里受其禍害值茲民氣凋傷之餘任其展轉相師尙復有何天日本省長責在安良職司除暴特頒明令用戢刁風嗣後關於刑事訴訟除罪證確鑿應予逮案者外其他不涉嫌疑之人不得濫予拘捕倘有告訴告發人藉端誣控與夫地方痞棍濫紳幫助參加希圖漁利者卽一併嚴加查察依律重辦以維法治而保安寧除分行外合行令仰該知事卽便遵照辦理並卽錄令佈告咸使聞知毋違此令

趙恆惕

中華民國十年十二月四日

湖南省長公署訓令

令財政廳

司法

爲令行事案據高等審判廳長李漢丞轉據沅陵第一高審分廳監督推事康忠勳呈稱竊職廳前因經費困難會同長常各地廳呈請轉呈省長分別指撥的款旋奉鈞廳訓令內開案查省長公署指令候飭財政廳轉飭各金庫按期支付等因在案應遵令候發曷敢曉瀆但職兩廳經費原係指由駐辰分金庫撥發金庫之款又以各征收機關爲來源來源塞分潤自難現查辰州方面所有征收各款概爲軍事機關所提撥其繳解金庫者實寥寥無幾而仰給金庫以維生活者又不下二十餘處入少出多不敷分配致職廳應領經費懸擱至五六月之久未經發給近更火食暨辦公費均無着落金庫之無款以資挹注可以想像而知伏查鈞廳與長地兩廳月需經費已呈奉省長核准令飭湖南造幣廠按月撥發職廳事同一律擬請鈞廳俯念困難情形轉呈省長援例就近指撥沅陵釐金徵收局按月提撥現款藉資救濟而免偏枯理合具文呈請鈞廳核准施行至爲公便等情據此查所呈各節確係實情相應據情函請貴署煩爲查照援案辦理等情到署據此除指令文悉據轉沅陵第一高審分廳經費困難當屬實在情形准令行財政廳迅予設法撥款以維現狀可也此令印發外爲此令仰該廳即便遵照辦理此令

趙恆惕

中華民國十年十二月七日

湖南省長公署批

前龍山管獄員姚啓基呈爲累不勝累懇飭提前發給由

呈悉查各機關九年六月以前積欠經費統由財政廳彙案清釐另行籌發該員墊支款項事同一律仍

應靜候辦理所請令飭提前補給之處礙難照准此批

中華民國十年十二月七日

湖南省長公署指令

令道縣知事文漢德

呈報勸諭劉正信家被匪劫捉情形請核備案由

呈件均悉准予備案該股匪劫掠劉正信等家勢甚凶慘閱悉之餘殊堪痛恨仰即遴派幹警會營嚴緝務獲盡法懲處毋稍忽延是為至要切切此令附件存

趙恆惕

中華民國十年十二月七日

湖南高等審判廳指令

令祁陽縣司法收費書記官向世美

呈復卸職書記官楊秉衡交代情形由

呈悉司法收費專設書記官原為慎重公款起見遇有新舊交代人員應將舊日經手款項印紙狀紙簿據聯單卷宗器物等件會同知事逐一詳察確係無訛出具冊結分別呈報方為合法該員接收前書記官楊秉衡移交未加考核既知楊秉衡虧欠款項而不商同縣知事從速力追率造接收交代清冊手續殊有未合仰迅將楊前書記官經手事件切實查明列報楊秉衡所欠款項究有若干未據聲敘無憑懸

司法

司法

四

知准令知成知事速即函追倘再抗延由該員會同知事先列款數分別主管呈報核辦着即遵照此令

廳長李漢丞

中華民國十年十二月二日

湖南高等審判廳訓令

令祁陽縣知事成朝棟

案據該縣司法收費書記官向世美呈以前書記官楊秉衡款項未清無力追繳等情到廳查收費書記官新舊交代新任人員自有專責知事亦應會同切實考核責難推諉前書記官楊秉衡既虧有款不應聽其逸去究竟所欠若干交代是否清楚仰該知事即便會同書記官詳加查明依式列報一面函追欠款倘有抗延先行詳列款目分別主管呈報核辦勿延此令

廳長李漢丞

中華民國十年十二月二日

湖南高等檢察廳指令

令安鄉縣知事

據報彭有慶等兩命案相驗情形由

呈及驗斷書均悉唐周氏與彭新福因一雞之微口角而散乃又自服毒物由其親屬昇赴彭家搗毀拚開以致彭新福之父彭有慶氣忿自縊身死而唐周氏旋亦毒發殞命種種行爲實爲法所不許但被害

者究只彭新福一家與公共之安甯秩序初無妨礙呈尾聲明騷擾人等容俟拘到法辦實不免於誤會仰卽知照并一面拘集犯證究明唐周氏之服毒有無教唆情事彭有慶之自縊是否實由於逼迫難堪彭家之被搗毀已達何種程度務得確情查明法律分別秉公判辦毋稍誤延致滋枉縱切切此令

檢察長蕭 度

中華民國十年十一月二十一日

湖南高等檢察廳指令

令常德地方檢察廳檢察長

據呈復委員調查桃源司法收費書記官周盛芬被訴一案情形由

呈悉周盛芬被訴各節既經該檢察長委員查明均無實據其原訴之胡應珩李芬兩人不特詢諸商會不認爲各界聯合會代表且經委員一再傳喚匿不露面其爲情虛畏質可知自可毋庸置議至桃源劉知事雖不滿於周盛芬亦僅能以性情乖僻四字加之查乖者異也僻者偏也換言之卽好惡不與人同之謂也如洗擦牙齒乃近日時尙而周盛芬獨不趨時以致見之者疑爲沾染嗜好亦未始不可目之爲乖僻之一端然與其收費職務毫無關繫人縱有言亦復何恤又查願字乃願字之俗筆呈稱該檢察長假旋未久廳務繁頤自係願字之誤仰卽知照此令

檢察長蕭 度

中華民國十年十一月二十一日

司法

司法

湖南高等檢察廳指令

令第一監獄工程事務所所長歐陽章元

呈為省庫領取經費困難請轉呈援案由造幣廠按日撥發所中員役火食費用以資救濟由

呈悉查撥發銅元手續前准

造幣廠電稱不能零星支付况現值省政府力謀財政統一亦未便復為該所月需二百零四元經款專

案轉請

省長援案辦理惟覆核所陳領款困難情形尙屬實在應准咨請

財政廳特別維持令飭省庫於按期攤分領數時酌量通融俾維現狀仰即知照此令

檢察 蕭 度

中華民國十年十一月二十一日

湖南高等檢察廳指令

令長沙地方檢察廳檢察長賀壽嵩

轉齊看守所所長劉善繼接管人犯丁役器具戒具文卷等項清冊請察核由

呈册均悉該管看守所所長劉善繼造報接管人犯丁役器具戒具文卷等項清冊既經該廳復核尙合本應准予備案惟查册開器具戒具兩項尙有應行查明之點查該所前所長蕭幹具報接管器具案內有四方書櫃二張涼棚十塊包壺四十五塊碗筷三百一十套茲來册既未將書櫃開列而涼棚包壺碗

篋又復有所短少究竟是否漏報此應查明者一又查前所長蕭幹具報接管戒具冊內有鋼銃一個錄釘二十一隻曼利夏鎗一枝單筒一嚮鎗四枝子彈一百六十顆茲來冊既無鋼銃錄釘其鎗彈項下雖列快鎗及五嚮脫鎗共有五枝而子彈則僅開一百顆又五排究竟鋼銃錄釘因何損失鎗彈每排若干是否合於一百六十顆之數此應查明者二且查文卷類所開各項卷稿一十四件及陸續卷宗八十七件兩項並未附註事由尤不足以資考察事關代案未便聽任含混仰即轉飭該看守所所長遵照迅即查明詳晰具復再候核示再查該所此次具報接管器具戒具冊列器具如大櫃大鍋大小水缸大飯甑菜籃飯瓢四所書棹架床面架菜桶爐橋水桶匾桶脚盆等項戒具如足鐐手鐐手鐐足鐐鐵鎖指揮刀馬刀刺刀等項均較蕭前所長具報冊內所列之數不惟未有新置而且日益破壞幾無完品長此以往將何以資應用併仰轉飭該看守所所長對於舊管物件如有急需整理之處務須於所領購置公雜等費項下酌量提出分別修整妥為保管所有任內由經常費內購置物品遇有交卸并須如數移交新任接收具報毋任散失用資整頓切切此令清冊暫存

檢察長蕭 度

中華民國十年十一月二十二日

湖南高等檢察廳訓令

令各縣知事

查解部之五成狀價原應於領狀時預繳到廳方予核發間有因交通不便預繳為難本廳為便利訴訟

進行起見亦經酌量准照所請先行發給而此項狀價即由本廳設法挪墊是本廳于一時難於預繳狀價之處已屬格外通融各該縣領到狀紙後自應遵將未解狀價趕緊補解歸墊始為正辦乃不意近年以來其照章預繳者固不乏人而當時既未預繳事後又不補解者正復不少現計所欠之款為數甚鉅其欠解時期竟有九年七月以前尙未了清者迨經本廳文電迭催或諉為前任欠款或聲明挪作司法經費暨監獄不敷囚糧殊與前任欠款應由後任催繳代解及此項解部專款萬不准挪作別用之定例不符刻值整理司法收入此項欠款實未便再任各該縣延滯推諉致滋虧墊除分行外合再專令嚴催仰於本年十二月十五日以前查明所欠五成狀價無論九年七月前後又無論本任或前任更無論已否挪作別項經費統應將欠解總數籌措現洋由本縣或鄰近郵局掃數匯解來廳以清積欠倘再視為具文當即分別輕重或派員守提或呈請懲戒決不再寬其各凜遵切切此令

檢察長蕭 度

中華民國十年十一月二十五日

